

Puras d'avevan sexy girls

Gia 2500 persunas han empustà il chalendar erotic

DA CLAUDIA CADRUVI / ANR

■ **Purs s'interesseschon per vatgas. Perquai fissi logic da crear in bel chalendar cun miserieras. Il chalendar da purs per il 2005 s'occupa dentant dad autras mesiras. Numnadamain da quellas da las puras.** I dat in chalendar erotic cun figlias u dunnas da purs. Ellas ston chapir insatge dal puresser, ma il pli impurtant: Ellas ston esser sexy.

Ils Austriacs èn ils pioniers

L'idea per il chalendar vegn da l'Austria. Là fan ils giuvens purs gia dapi il 2001 chalenders erotics. Els vulan midar l'immagine da las puras. Il chalendar duai mussar che las puras d'ozendi èn attractivas, emancipadas ed eroticas.

Importà en Svizra l'idea ha *Mike Helmy*. El ha lavorà pli baud per il «Blick» ed ha produci tar TV 3 emissions sco «Expedition Robinson». Helmy ha guardà ina giada ina reportascha sur dal chalendar erotic da l'Austria. «Insanua en il zuppà da mes tscharvè hai jau registrà quai.» Avant in mez onn ha el intervegnì ch'il nov chalendar austriac cuntogna ina pura hospitanta: Ina pura da la Svizra orientala. Helmy ha immediat infurmaglià il «Blick». Ma el ha era pensà: «Pertge na faschain nus betg en Svizra il medem?» I fiss bain donn, sche las bellezzas indigenas vegnan enconuschentas be en l'exteriur.

Uniu purila ha da far politica

Helmy ha decidì da producir sez il chalendar. El ha contactà l'Uniu purila svizra per dumandar, sch'ella sa participeschia. L'uniun haja demussà simpatia. Ma ella na haja betg vuli s'engaschar. L'argument: L'Uniu pu-



Corinna dal chantun da Son Gagl è la favorita dal public. Ella è vegnida tschernida en l'internet ed al stan da l'uniun purila.

MAD

rilas svizra saja ina uniun politica. Suentar ha Helmy dumandà l'Uniu da la giuventetgna rurala. Lezza haja

l'emprim già interess, suenter dentant già schanetg.

Helmy che realisescha uss sulet il

project conceda: El obtegna in bun support da l'Uniu purila svizra. Lezza sa gidia cun publicaziuns en sia gasetta, p. ex. per tschertgar ils models.

Puras d'avevan stars

Las interessentas che vulan star model per il chalendar han fatg atras las medemas proceduras sco autras dunnas che vulan d'avevan stars. Ellas han stuì inoltrar ina candidatura cun fotos. L'emprim ha ina giuria tschernì 49 candidatas. Suentar è il tschertgel d'avevan pli stretg.

24 candidatas han dastgà vegnir al casting. Cusseglier nazional *Toni Brunner* è stà il pli prominent rappresentant en la giuria.

Las candidatas na han betg sulet stuì mussar in bel corp e scharm, ellas han era stuì persvader nà dal puntg da vista puril. Ina «externa» che n'ha mai già enta pugn in tarden ed in rastè na vegn betg en dumonda per il chalendar.

Era in «girl» grischun

La giuria ha tschernì 13 dunnas, tranter quellas ina Grischuna. Il public ha medemamain elegì en l'internet ina candidata. Plinavant tscherna Helmy in'ulteriura dunna perquai ch'i ha memia paucs «girls» da la Romandia. En Svizra stoppia mintga regiun avair ses «girl».

Sch'i haja memia bleras dunnas fetschian ins simplamain fotografias cun plirs «girls».

Gia 2500 persunas han empustà il chalendar erotic. Helmy è stut: «La glied emposta, malgrà ch'ins na sa anc betg, co ch'il chalendar vesa ora? Per mai munta questa fidanza ina gronda responsabladad.»

Scharfira – fautsch e decolté

Tgi che less savair dapli, po s'infurmagli sin la pagina d'internet www.bauernkalender.ch. Là hai fotografias che dattan in'idea tge che erotica purila munta. Sin in maletg è da vesair ina giuvna en chautscha suten da piz. El-la runa in satg da pavel. Ils sains èn gist anc cuverts in zitg dals chavels lungs. Sin in'otra fotografia tegna il model ina fautsch. Sche la fautsch è gizzada n'è betg da fastisar. Tschert è dentant ch'il decolté da la giuvna pura maina en tuttas profunditads ed è scharfira. Uschia resta be pli la dumonda: Cura datti ina giada in chalendar cun bels purs – per las puras?

Il chalendar pon ins empustar en l'internet untar: Bauernkalender, Schulhausstrasse 9, 6052 Hergiswil (NW)

I manca anc in bel bain puril

Il team fiss cumplet: ils «girls», il fotograf cun assistent, ina persuna per il make-up, ina dunna per ils requisits e la «vestgiadira». I manca be anc la culissa. Lezza n'ha Helmy anc betg tschernì. El dovra in bain puril en ina bella cuntrada. Il producent dal chalendar pudess s'imaginar fitg bain da far las fotos en il Grischun. La cundiziun saja simplamain ch'el chattia in grond bain cun blera variazion e differents animals u cun la pussaivladad «d'emprestar» auters animals d'in pur vischin. Ma i fa prescha. La fin da zercladur, cura che la cuntrada è anc bella, vul Helmy far ils maletgs.